

咨文

軍機取宜等事咨兩院各鎮

緊急軍機咨福寧鎮

為稟報事咨福寧鎮

為咨商事咨督院

會勦賊匪事咨左鎮

為具報事咨興化鎮

詳察探報咨興化鎮



詳明請示咨撫軍

稟報事咨左鎮

請調營兵咨兩院

咨會事咨兩院

懇請撥兵咨兩院

邊汛遼瀾咨兩院

欲請海寇咨督院

咨商臺寨咨兩院

安設要汛咨督院

請寬海禁咨督院

遵奉 俞旨咨督院

申飭透越咨四鎮

設法示禁咨兩院

平南將軍

添募不靖咨兩院

增界安兵咨福寧鎮

增界安兵咨督院

平園紀卷之五

懋紹漁山

三韓楊 捷元凱著 男懋緒今鴻纂

懋綸今掌

咨文

軍機亟宜等事咨兩院各鎮

為軍機亟宜展布靖寇必先安民謹瀝愚忠密奏仰

祈

天語飭行以收蕩平實效事本年七月十二日承准

兵部劄付該 議政王等會覆江寧提督楊 題前
事等因康熙十七年六月初九日題本月二十六日
奉

旨議政王貝勒大臣會議具奏欽此該臣等會議得福建
提督楊 疏稱臣本庸材荷蒙

皇上畀以提督八閩重任誓期捐糜頂踵以仰紆我

皇上南顧之憂但臣遠在行間軍機間不容髮伏望特賜
大語申飭凡有行間及地方機宜准臣相機興舉并飭行

督撫諸臣如地方各官有玩愒軍務撫輯無能者立
行特叅等語均應如其所題一切軍機及地方緊要
事務聽其一面酌行一面奏

聞至地方各官如有玩愒軍務撫輯無能者該提督卽行
指名題叅可也等因康熙十七年六月二十八日題
七月初二日奉

旨依議欽此爲此合劄該提督欽遵施行等因到本提督
承准此擬合就移爲此合咨

貴部院煩爲查照 部文覆奉

旨內事理轉行所屬各營一體欽遵施行

康熙十七年七月二十七日

緊急軍機咨福建鎮

為緊急軍機事照得海逆嘯聚烏合圍困泉州本提督兩經啓請

親王抽調各營官兵會勦去後七月二十七日敬奉

親王令諭內開該提督所啓抽調各營官兵俱屬沿邊俱該挺身荷封疆重寄地方責任攸關既稱各營可以移緩就急且知係沿邊可以抽調悉聽該提行調其屬寧總兵官黃先經本親王調赴羅源今羅邑離省不遠該提進兵之時即可調赴回往似不必

先調來省爲此特諭等因到本提督敬此合就移咨爲此合咨 貴鎮煩爲查照希卽迅檄鎮標三營併洞山營各將領於該營挑選曾經戰陣精壯兵丁務足二千名俱要多帶排鎗砲火不得以怯弱充數仍選撥慣戰驍勇將備千把帶領 貴鎮仰遵

主諭迅速調選齊赴羅源卽統領來省與本提督一同前進今泉州萬分危急 貴鎮旣親在行間尤宜多帶精銳共奏敵愾事關緊急軍務幸勿延緩其城守暨沿邊各岸仍祈嚴加申飭存營將領加謹防禦瞭望務須移緩就急通融調撥以保無虞迅卽示覆施行

康熙十七年七月二十八日

為稟報事咨福寧鎮

為稟報事准

貴鎮咨開康熙十七年七月二十七

日據署中營遊擊劉濟源報稱本月二十三日據署

中軍守備蔡遜報據州前嶺兵丁陳彪松山臺百總

朱盛同報稱本日在高山瞭望已時瞭見外洋有大

小雙篷船四隻由烽火門駛進三沙等情各到遜轉

報到職據此為照賊艘或三五隻或七八隻日逐零

星自南而來皆由烽火門而進灣泊三沙五灣意在

合踪聚夥來困州城搶奪戰船卑職除一面嚴加防

禦外但州汛兵單賊艘日聚恐一時登犯叵測堪虞
理合稟報等情到鎮據此案查先節據該遊擊呈報
賊船灣泊火焰山及駛進松山口并登岸焚燒茅蕪
被官兵殺敗退泊火焰山等情俱經該遊擊通報在
案今又據報賊衆合夥有來困州城掠奪戰船之意
查福寧海中如火焰山三沙五灣以及秦嶼沙垵雙
頭衝釣灣各島灣俱有賊船灣泊倚山蓋屋伺隙窺
犯本鎮擐甲枕戈晝夜防禦一有警報卽介馬星馳
東西應援海賊不敢登岸福寧一帶地方悉獲安堵

今本鎮敬奉

王諭帶兵駐劄羅源聽調隨於各營

抽調兵丁壹千貳百名親帶到羅將州港戰船交署
中營遊擊劉濟源帶兵百餘名看守不足防禦復啓
親王調平陽官兵五百名來守桐山調署桐山營遊
擊曹良帶兵五百名來守州城因平陽官兵未到桐
山官兵不可調動州汛實爲兵單且戰船灣泊赤岸
僑離州城十里離大洋三里賊船乘潮揚帆倏忽可
到今賊船前後約計有二百餘隻灣泊外洋看守兵
單疎虞可慮倘或狡謀侵犯州城以百餘名之兵豈

足防禦上關

朝廷封疆下有出師眷口在內關係匪輕且福寧處萬山之中非如漳泉各處道路平坦內有數處俱係懸岸峭壁下臨不測之淵鑿石架木憑空編橋卽有應援之兵倘或賊寇踞險堵截莫能飛渡事關地方理合備咨請煩察照啓請 親王裁奪仍祈賜覆施行等因到本提督准此爲照聞省官爲備案

朝廷豢養深恩值今海寇跳梁漳州隔絕泉州被困凡現在兵馬少可通融撥防自應修葺城寨以救泉州之

危接准 大咨此誠 貴鎮未雨綢繆至意但查

貴標二營暨銅山營共三千八百四十餘名除本提

督啓請 王爺准調二千名 貴鎮帶領前往應援

尚存一千八百四十餘名既屬寧州城卑勢似應於

原派各汛內酌量緊要口岸汛地通融派防如內地

少可緩者量留數名瞭防遇有緊急仍於就近鄰汛

互相策應其餘兵丁希飭行在城將領調赴福寧州

城防守既可保固封疆又不遲悞應援殊爲兩全至

守備蔡遜呈報大小雙篷船隻日逐零星自南而來

意在合夥困州搶船尙屬揣度之詞相應仍藉 貴鎮勝算調度通融防禦務保無虞可也茲准前因相應咨覆爲此合咨 貴鎮煩爲查照施行

康熙十七年八月初一日

爲密商事咨督院

爲密商事爲照本提督恭膺

簡命初蒞閩據見全省官兵俱先調集漳泉其延建等郡又以鄰寇江揚子等作祟跳梁山寇因之竊發興化逼近泉州正在用兵所餘僅省城左右數鎮營而已亦皆抽撥不次而本標官兵則一無可調是以憂心如焚詳加察訪乃知閩中兵單原不敷徵調遂欲具請增募擬擬小臺內稱於詔安海澄同安安海惠安楓亭鎮東浦城福寧州并江東橋洛陽橋等處擬添

官兵等因正繕疏會銜拜發間接奉 兵部密劄內
開再查近經會議總督姚 題疏內已經議准閩省
添兵一萬八百名及總督標下伍營兵外又添兵三
千有餘其所添兵丁速行召募等因在案仰見 貴
部院洞達兵機特倡宏議業邀

俞允則小疏毋庸煩瀆矣但芻蕘之見有切切於中者是
用再抒一得之愚上希 鑒裁謹按 部覆內只有
添兵一萬八百名及三千餘名之數未覩 貴部院
當日原疏作何分派今又奉 兵部密劄內

漳浦仍舊各設總兵官一員各爲三營各管兵三千
名此總兵官等標下應設之兵於新增兵一萬八百
名內通融撥足等因是准增兵數內原有可以通融
之處除添二鎮標并 貴標外尙有四千八百有餘
之兵據本提督愚見按險要大路邊界添兵扼守不
特藩籬鞏固卽往來餉道亦免阻塞本提督昔曾援
閩頗知地勢情形如泉州之洛陽橋漳州之江東橋
應各添兵一千名各設遊擊以統之興化之楓亭應
添兵五百名設都司以統之此三處乃省會興泉漳

各郡往來咽喉要道且俱係海港要口賊艘乘潮易於闖入內地一爲逆賊所踞則聲勢中斷須各設一營官兵專司汛守於江東洛陽二橋南北應照舊例俱各砌築土堡其楓亭則現有土寨但須稍展之以爲官兵守禦之地又有浦城一營亦應修復舊制添設參將一員兵八百名此專司餉道塘撥爲七閩之門戶江浙必由之路豈可不令其疏通况目下又有江西遺寇耽視虎踞於其傍此又情勢不可緩者再如福寧州准黃總鎮咨請復設城守以此州要日繁多處處可登該鎮有接餉之責應添城守兵五百名設都司以統之至於安海爲郡逆故址鎮東寨逼近海壇惠安有大岫小岫之寇在 貴部院自能致慮周詳似不煩瑣瑣也加以管窺不謬幸蚤賜采納於准增兵數內通融撥定本提督將竭綿力以贊襄於以擬合客商爲此合咨 貴部院請煩查照迅希裁酌併原題疏彙抄錄示覆施行

康熙十七年八月初六日

會勦賊寇事咨左鎮

為會勦賊寇事本年九月初九日准 貴鎮咨開准

江西提督許 咨訂會勦日期并咨商調撥各協營

官兵分路堵剿等因到本提督准此案照先鎮 貴

鎮咨調延建協營官兵一千名并調邵武協營官兵

分堵火燒雲際等關等因業經本提督飛檄各協將

遵照并經咨覆 貴鎮在案今復准前因除再嚴檄

邵武遊擊何勇韓瑞等各親帶官兵星赴火燒雲際

等關堵禦夾勦并飛催延建各協營速發官兵前往

聽調外合就咨覆爲此合咨 貴鎮煩爲查照仍祈
鼓勵將士奮勇用命殲絕逆寇早奏膚功以安黎庶
施行

康熙十七年九月十一日

爲具報事咨興化鎮

爲具報事本月十九日准 貴鎮咨開據守備趙邦
試報稱南日湄洲二島有賊船二百六十餘隻等情
合亟咨請俯念封疆重大迅將鎮標留泉官兵發回
扼防等因同日又爲飛報事准 貴鎮咨據守備趙
邦試報稱海寇的於二十日左右要搶黃石等情事
甚危急不得不懇切再四咨請伏乞亟賜將本標官
兵星夜遣回以資防剿等因各到本提督准此爲照
海逆雖爾猖獗不過倚水跳梁若果有長技則泉城

之役斷不肯望風披靡茲聚艘湄州南日料其狡謀大約半爲牽制之局分我兵勢半爲懼我舟師南下搗其廈門巢穴耳 貴鎮身任封疆重寄興郡一帶全藉彈壓自當酌量形勢布置堵防密差偵探的確動靜親帶官兵相機勦捕且查興化兵數鎮標及城守各營官兵之外尚有 撫院所委之陳朱二總兵所轄官兵通計不下五千名萬一有警儘可相資策應剿禦何乃輕信防官張皇之報急遽疾呼奏咨請兵也今准前因除會商 撫院吳 撥發 擬傳道王 帶領撫標官兵共一千員名星馳前往興化協同 貴鎮調撥防剿外合就咨覆爲此合咨 貴鎮煩爲查照施行

康熙十七年九月二十二日

詳察探報咨興化鎮

爲咨明詳察探報以重軍機事爲照海氛未靖出沒無常聲東犯西狡謀叵測惟在我有以洞察其虛實鎮定備禦不爲動搖庶逆賊無所施其奸詐如近者南日湄州各島雖有逆艘灣泊不過虛張聲勢希圖分我兵力兼堵南下舟師而貴鎮未察逆謀過聽探報九咨請發援兵隨經本提督合商撫院調遣官兵前往策應外因見大咨之內有逆賊劄營陸地將犯府城十分危急情形復經會遣差官馳往查

看的實另為酌奪去後續據防守湘江總兵官陳欽
 報稱探役回報湄州與賊船駕駛往北等情又據差
 員回報沿邊各處並無賊營亦無大船逆艘等語雖
 未雨綢繆發兵固無過舉但過爾張皇未免墮賊奸
 計若將來之軍機進止亦倣此而行不特本提督難
 以信從徵調策應卽官兵亦未便徒令其往返辛勞
 而逆寇且得以益恣其虛張矣 貴鎮為封疆屏翰
 際此逆謀百出卽有賊夥登犯轄汛只當細加斟酌
 持重擔當督勵將士相機堵剿幸勿徒食空言以損
 軍機可也合就咨明為此咨咨 貴鎮煩為查照施
 行

康熙十七年九月二十五日

詳明請示咨撫軍

爲詳請明示事本月二十六日據德化縣詳稱竊照
德化殘邑蒙 巡撫都察院吳 親統大兵恢復尙
有敗殘餘孽招集千餘人盤踞天平山四出剽掠民
不聊生卑縣業經兩次詳請添兵進剿蒙 巡撫都
察院批仰移仙遊等四縣會剿務盡根株繳等因奉
此該卑縣隨即移會仙遊永福尤溪等縣會剿去後
內惟仙遊永福二縣撥練總帶領鄉兵前來其大田
尤溪二縣至今未發兵卑縣隨將本縣鄉兵再加團

練聽候進勦外復蒙憲臺撥後營任把總帶兵二百於十七日到縣卑縣隨同韓遊擊商酌二面固守城池一面相機進剿續據任把總稱奉本提督憲牌內有轉奉 巡撫都察院吳 撥安溪縣李鄉紳烏鎗手五百名前來協剿須候到齊一同前進但今海逆踞窠剽掠派米派銀民困湯火日夕望救寔難刻緩官兵已到數日惟候安溪之烏鎗手未到不敢擅進合無詳請憲臺批示或仍候安溪烏鎗手到齊進剿柳或先令官兵往勦懇乞明示救民水火爲此備由

具申等情又爲稟報事據遊擊韓又琦呈稱本月二十四日據練總李孕球報稱蒙着球等帶領鄉兵各處偵探機宜探得逆賊葉明唐用不從招撫肆行劫掠乞速發大兵勦滅等情到卑職據此合就呈請憲臺迅勦安溪縣鄉兵速令至汛以便卑職前往撲剿毋使遺孽蔓延日久地方得寧等情各到提督據此案照先據德化縣詳稱逆孽葉明等竊踞天平山剽劫等緣由業經會商 貴院各調撥官兵鄉勇前往會剿在案續據遊擊韓又琦呈請催發原調烏鎗手

五百名復經咨明 貴院檄催去後今復據該縣防
呈詳前由合并咨催為此備咨 貴院請煩察照飛
檄前項烏鎗手星馳前往德化以便合力進剿以淨
根株仍希示覆施行

康熙十七年九月二十九日

稟報事咨左鎮

為稟報事本年九月二十九日准 江西總督部院

董 咨開據遊擊高觀光吳志報稱卑職等奉 提
督憲行令職等帶領官兵前至船坑小嶺地方確探
實息相機堵剿逆賊該卑職等先已分佈官兵把守
各隘每日探到小嶺地方離船坑十有餘里尚未見
賊形踪切奉本部院憲令把守船坑橫溪高洲乾溪
一帶四十餘里皆是賊巢後路要隘晝夜隄防準備
勦殺所有閩界岑陽關於本月初三日福建總兵熊

陽魁差百總周文昇到營報稱熊總兵領兵在銅箔山遣發都司周士龍帶兵劄營在岑陽關把守已經報明在案其岑陽關離船坑二十餘里本營偵探兵丁每日與閩省探兵交探會話至初八日探到周都司營盤不見人影隨即差遣千總陳琬把總羅士英帶兵探過岑陽關二十餘里未見一人岑陽關無人把守合就稟報等因到部院據此爲照逆賊江機見今敗逃高坑地方我兵見與逆賊對壘今據報岑陽關無人把守除已照會福建劉左鎮迅發官兵堵剿外誠恐隔省岐視相應咨請貴提督迅發官兵堵剿岑陽關併凡通福建隘口庶逆賊得以殄滅不致遞入閩地則感佩無既仍祈示覆施行等因到本提督准此爲照逆賊江拐子等剽掠肆害現今三省會勦正宜乘機夾擊以絕根株前准 貴鎮移咨已經嚴檄建寧邵武各協營造發官兵於江閩各關口堵截撲剿在案何以岑陽一關竟無官兵扼守今准前因合就咨達爲此合咨 貴鎮煩爲查照希卽就近嚴飭建寧邵武各將領務令乘此會剿之機各督官兵於

接連江西各關隘處所悉力堵禦相機夾剿勿令逆
寇得以逃入閩地倘各將領有不遵調度及進戰不
力者祈卽指名咨示以憑叅處施行

康熙十七年十月初一日

請調營兵咨兩院

為請調營兵再配大船以便會剿事本月初二日據
援剿水師總兵林賢呈稱竊照海道逆安犯郡邑幸
大師進剿泉州圍解各縣盡復軍職水師官兵亦經
擒殺賊魁燒獲賊船此皆憲天威令水陸全勝逆賊
敗避勢同破竹矣但海上之賊素諳水務向之犯我
內地以我舟師未備故敢壑其所有登岸狂逞不以
廈門巢穴為憂今賊既水陸俱敗勢必挑選賊兵多
配船隻分佈各港道禦我舟師倖而勝則依舊再犯

內地敗而去則退保廈門巢穴卑職伏讀 撫憲檄
文湄州現有賊船二百四五十隻此則賊之防我舟
師已可槩見今浙賊又有偽鎮朱天貴劉天福劉祖
漢陳義等自北而下計有賊船六七十隻已到三沙
西洋游移卑職現與各總兵將領整備勦殺期在先
滅此賊方可乘勢進勦海壇湄洲然浙來之賊係佔
上風我舟逆風難以遽進揣賊之情必與海壇湄洲
兩相犄角牽制我師若我追進一灣則彼退一灣而
去我追迫愈遠則恐湄洲各賊或襲我後復踞定海
擾亂省城門戶卑職所統船兵現在卑薄難爲分合
勦禦之計查省城修完烏船尚有二十隻趕繕船尚
有四五十隻雙蓬船尚有三十隻目今興化鎮官
兵旣已回汎其中左貳營原係水師熟兵晉江營在
汎旣無船隻該營亦係水師熟兵俱可令其赴省配
駕戰船福寧州原有水師熟兵現在州汎有船八隻
亦可令其駕出定海合縣又涵江陳朱二總兵等現
有水兵千餘查興化所修之船僅有小趕繕船四隻
餘俱雙蓬船白艚哨無裨實用莫如調令陳朱二總

兵等將兵盡帶赴省配坐大船併再行府縣將前日奉調未到之灣兵水手竭力催解將在廠督修各千把總加與職銜令其招募兵丁立功總將在省戰船盡數配駕出洋進征從此在廠之船不用留兵看守合興化晉江各處之兵船多兵足可以長驅而進又朱天貴各賊今已游移閩界則浙江海邊屬於底定若蒙移會浙江水師提督撥船會剿大張撻伐直抵巢穴蕩平兩島此一勞而永逸也除呈

巡撫都察

院吳外爲此冒昧密陳等情到提督據此爲照海

逆惟以慣習風濤舟楫倚水跳梁游移沿海每窺我間隙輒聚艘登犯及救應之真馬厚集彼已揚帆遠逝我勞彼逸爲害已久近我舟師雖經屢勝然於逆寇之大夥根本尙未搖動若使令順風南下悉船隻有數兵力未厚萬一逆賊悉其船隻精銳從中堵截未出萬全茲該總兵呈稱省城現有修完烏船趕繕雙篷船各船共一百隻請於興化鎮標中左武營晉江營原舊水兵并涵江陳朱二總兵所轄之聚湖令配駕并行令各千把總招募湊集共圖大舉仍移會

浙江水師提督撥船會剿以收一勞永逸之效言之
鑿鑿是亦剿滅海道之一策也既據該總兵呈請前
來合就咨商為此備咨 貴 部院 請煩察照酌奪仍
祈示覆施行

康熙十七年十月初三日

咨會事咨兩院

為咨會事本月初五日卯時准 寧海將軍喇 咨

開照得本月初四日有

王爺發來鈞諭副都統查音布即將四路兵馬挑選帶
往漳州進剿提督石 總兵黃 官兵仍同前往其
提督楊 乃係福建全省重臣泉州係是緊要之地
去與不去聽該提督自行酌量等因則是福寧鎮黃
總兵乃係奉令往漳進剿之員今現回貴提督在東
石勦賊或俟東石賊平前往漳州或彼處兵力已足

卽令馳赴漳州統候貴提督酌量遣發可也請煩查照施行等因到提督准此為照東石一寨逼近泉州雖應剿滅但三面皆海數年以來築城挑濠恃險拒敵一時難以攻克且不過彈丸之地今

貴部院 咨開 逆寇大夥俱在漳州 都統

已奉

親王令諭統領滿漢官兵起行本提督有全省責任泉州雖係緊要重地已有 寧海將軍彈壓是漳賊未

平亟應同赴剿除今現在調集官兵馳往漳州其東石一寨俟勦滅漳賊之後再行攻剿亦未為遲也至

於副將郭奇前經 貴院 撫院 派留防守泉州茲據該副

將稟稱現奉 總督部院 貴部院 調令往漳會剿等情查該

副將原係 總督部院 貴部院 行調之員本提督未便專主

或應令其留防泉州或應令其往漳會剿應聽 寧

海將軍酌行除咨覆 寧海將軍喇 并咨會 都

統 去後合就咨達為此備咨 貴部院 請煩查

照施行

康熙十七年十月初六日

懇請撥兵咨兩院

爲懇請撥兵協防以固巖疆事本月十五日據同安副將馮昭京詳稱竊照職標現在官兵不滿五百而陸續召回舊兵只先到四百餘名業已分發灌口沙溪等外汛及安設上下各塘計在縣之兵稀若晨星今汀州左營董遊擊已奉調赴泉而總鎮馬雖於十一日到然其原帶官兵奉將軍喇留泉其所隨來者寥寥無幾前當營兵足額之時猶添福清營千總田龍見帶兵三百協防今又隨本軍門出征至漳茲

同安地方初復山魃未盡根株海逆日在耽視卑職
密差偵探聞欲俟滿漢大兵經過之後卽結連而起
雖風聞未可盡信然究之邊疆咽喉要地不當示之
以弱致其狡視生心况城垣盡推房屋罄拆官兵現
劄城外奈何以數百之卒孤駐荒郊能保狡逆之不
避實擊虛乎且咫尺泗州其來也無時去也無跡覆
轍不遠能不寒心伏乞本軍門垂鑒地險兵稀不拘
滿漢旗營迅撥協防勒令星夜赴同以保巖邑卑職
不勝引領以待等情到提督據此爲照同安一邑爲
泉漳兩郡適中咽喉要區與廈門對峙且泗州一島
逆寇擁衆踞守與該縣只離十餘里當此城垣未築
窺犯不時若不添設重兵無以資防勦而通大路現
今逆賊敢於登犯總因兵少之故茲城守營官兵旣
寥寥無幾馬總兵又隨帶官兵無多亟應撥兵防禦
今據該副將詳請前情合亟咨會爲此備咨 貴部
照前燒燬酌奪迅撥官兵前往添防以固邊汛以
通孔道仍希示覆施行

康熙十七年十月十六日

邊汛遼瀾咨兩院

為邊汛遼瀾請照舊制添設營將以固地方事本月十七日准福寧黃總兵咨開竊照本鎮標額設中左右三營遊擊三員守備三員千總六員把總一十二員真丁三千名分防福寧一州福安寧德兩縣後因設立柵山營官兵於通省八府一州抽調本鎮標左營遊擊一員把總一員中左右三營共抽調兵丁一百五十三名設防柵山左營止留守備一員分防福安竊福安一邑襟山帶海毗連浙界叢山峻嶺賊寇

易於竊發際茲山海多事之時若非管將不足以彈壓地方况守備職司兵馬錢糧城池汛防不能兼顧伏祈貴提督俯念邊汛遼濶將左營遊擊曹良照舊添設分防福安將桐山遊擊另設能員駐防庶邊疆鞏固而地方有攸賴矣擬合咨移為此合咨貴提督請煩察照咨商

督撫兩院酌奪會題施行等因准

此為照桐山營官兵原因海疆寧謐無事故前任督提會議於通省各營酌量地方緩急通融抽調設立該營以同浙閩連壤之聲勢此皆因時而制宜也目今地方多事山海弗寧而福安一縣倚山負海寇盜不時竊發誠非一守備可以兼顧而彈壓者至於原調入桐山營官兵查皆沿邊各標協營經制額內之數先以海邊遠窳臺灣額缺奉文不准補足茲下游各營皆逼近廈門逆穴現在海寇跳梁各有汛地防守之責况徵調不時分應難周空有千兵之虛額而無千名之實數致盜賊得以乘間窺犯所當亟應補足以固邊防斷不可仍膠舊議懸缺久空也時有不同事有緩急今准該鎮請照舊制添設營將移咨

前來合就一併咨商為此備咨 貴部院請煩察照
會疏具 題補足以收實用仍祈示覆施行

康熙十七年十月十九日

欲靖海寇咨督院

為欲靖海寇根株等事本年十月二十八日准 貴
部院咨內開康熙十七年十月二十六日准 兵部
咨內開可否將水師提督同安漳浦二鎮之兵不必
另募照所題舉行之處公同詳議妥確速行具

題等因到部院准此合咨察照酌議見覆會 題施行
等因到提督准此為照欲除海寇須設舟師此固理
勢之所宜然者但必先固我之內地根本然後可以
一意直前查閩省沿邊二千餘里皆逼近大海逆艘

隨風乘潮倏忽數百里在在可以登犯若該汛兵力
單薄難以堵禦勢須告急請援在我之援兵於陸地
奔馳及到所犯之處而賊已飽颺遠引此從來之失
計故海寇得以一島之微肆志跳梁至今未收蕩平
之效也近藉 貴部院經濟宏裁特疏 題增兵額
於同安漳浦各添設總兵彈壓蓋以同安爲泉漳之
咽喉同安兵厚然後泉漳之聲息可通漳浦乃閩廣
之接壤漳浦勢固然後閩廣之脈絡相連况現今海
逆披猖登犯不時若同安之勢孤則漳泉之聲息中
斷漳浦之兵單則閩廣之脈絡不接而雲霄詔安一
帶地方且因而騷動矣此日前添設同安漳浦及沿
邊各營汛官兵所謂先固內地之根本確乎不可移
易者也俟水師提標官兵召募足額舟楫收拾完固
將爲搗巢之舉卽於同安漳浦二鎮及沿邊大小各
營之內挑選練習水戰兵丁配駕協同出剿亦可以
資驅策今若罷同安漳浦之添兵盡從事於水戰計
製造船隻尙須時日逆賊刻在狂逞東西騷動沿邊
汛守單薄我官兵將奔馳救援之不暇又何暇遙及

於掃蕩逆穴乎此尤藉 貴部院之始終主持也事
關封疆大計既准咨議不得不披瀝芻蕘是否有當
惟祈酌妥主稿具 題庶積寇可殲蕩平可奏耳合
就咨覆爲此備咨 貴部院請煩察照仍祈示覆施
行

康熙十七年十一月初一日

咨商臺寨咨兩院

爲咨商臺寨官兵以收防邊實效事爲照遷邊之役
已經通行勒限報竣此月之終大約可以就緒但邊
界既定則臺寨亟宜修築在各縣有司以愛惜民力
爲詞未免有遲延耽擱苟簡從事之弊不知臺寨關
係邊防大計若任意耽遲則官兵棲身無所堵禦無
資若潦草報竣則一經風雨不久便有傾圮之虞此
尤祈 貴部院嚴檄該地方官及早修建務期堅固
以免將來崩塌修理之煩此臺寨之建不可一刻稍

尤祈 貴部院嚴檄該地方官及早修建務期堅固

緩者也至於應設官兵查自福寧州起各營皆經徵
調南征現在存營寥寥無幾今際邊畫界分防臺
寨處處需兵若悉力於邊防則城邑空虛若居重於
根本又邊防卑弱叠據各將弁連篇累牘大聲疾呼
請發原調官兵回營以資分守等情前來雖屢經慰
詞批答通融派防然空言終無濟於實用如任其分
佈未周守禦未密何以遏寇防奸今應否將行間官
兵酌量發回各原營以資分佈巡防以收遷邊定效
合就咨商爲此備咨 貴部院請煩察照酌奪仍祈
不覆施行

康熙十七年十一月十六日

安設要汛咨督院

為咨商安設要汛官兵事為照洛陽橋一汛當海潮之衝為泉州門戶最為緊急之區在先海逆遠竄地方寧謐無事或有時輪派晉江營分防但該營原係水師今水師提督不久到任則該營仍歸管轄應聽其調防原舊各灣水汛而洛陽橋陸汛未免空虛貴部院經綸海甸無遠不照所當及今題設官兵之時於洛陽橋添將官一員帶兵一千餘名以備防守以固要衝蓋有專官彼將以地方為切已之責不

敢懈弛疎畧若輪派撥防彼且視同傳舍苟簡從事
欲其規爲久遠何可得也倘兵額分派已多亦須酌
量添設七八百名萬一有警再於本標官兵之內隨
時調遣添防庶免將來之紛更耳再查安海一寨近
經細詢係康熙八年展界所建今若照順治十八年
舊界遷移則此汛係屬界外尤祈 貴部院鴻裁酌
定卽將議設安海官兵移設大盈令其兼顧小盈是
否妥便合就一併咨請爲此備咨 貴部院請煩察
照施行

康熙十七年十一月二十日

請寬海禁咨督院

為請寬海禁等事十一月二十八日准 貴部院咨
開據督糧道會同興泉道呈報興泉二府沿邊各臺
寨分防官兵數目册到部院據此先為前事業經本
部院咨覆貴提督查照順治十八年舊汛移行各標
鎮協營撥兵扼防去後今據該道呈稱興泉二府墩
寨舊界皆係貴標併興化城守營以及晉江水師等
營分佈防禦似不可緩除將墩寨催令沿邊各府縣
星速興工修建外合就咨催希卽移行各鎮協營迅

速撥防施行等因到提督准此爲查各營官兵皆經
先行別調勦禦見今存營寥寥無幾而單開沿邊各
汛需兵甚多將何以資分派卽如本標之兵除出征
在漳及發守各縣汛之外存城不過百十步卒今縱
令其盡數出守已屬不敷若將行間之兵發回則邊
牆無兵可守展轉思維實難分顧况今日事勢又與
往日大相懸殊當此海逆猖狂乘潮肆逞處處可虞
且沿邊臺寨相去或一二里或三四里不等茲以十
餘名步卒駐守其間萬一逆賊以大騫登犯攻圍該
汛雖官兵竭力堵禦然衆寡不侔保無疎失失則損
挫兵威所關匪小本提督不得不剴切言之 貴部
院文經武緯慮無不周尚祈少加裁察以保萬全者
也今准前因除卽移行各鎮營酌量地方緩急將現
在官兵通融量派汛防并將單開同安縣所屬地方
內有原係水師官兵防守之處業經移行同安鎮將
速爲分守毋得推諉各去後尤祈 貴部院俯察地
方形勢賊情兵力各將弁委難支應迅將議添營制
先行委員任事令其分頭招募兵丁以資派遣并嚴

檄各有司速將臺寨勒限修竣以備防兵棲止庶戰
守有資邊防可固矣合就咨覆為此備咨 貴部院
請煩察照裁奪施行

康熙十七年十二月初二日

遵奉 俞旨咨督院

為遵奉 俞旨安設官兵分佈緊要以鞏邊疆事本
月初一日接 貴部院會案內開浦城添兵五百名
閩安添兵一千名鎮東添兵四百名蒜嶺楓亭各添
兵四百名惠安添兵一千名洛陽橋添兵七百名同
安添兵三千名灌口添兵五百名龍江添兵五百名
海澄鎮移駐漳州額兵三千名漳浦鎮照舊仍轄額
兵三千名漳浦營添兵五百名雲霄營添兵五百名
海澄城守添兵一千名江東橋添兵二千名福寧添

兵四百名以上共設兵一萬八千八百名即在奉

旨添設一萬零八百名并公標併入八千名之內等因仰

見 貴部院訂謨碩畫佈置周詳本提督自當祇遵

會 題安敢復有異議惟是此番 題定之後遂成

繩墨若內中稍欲更張似未便再疏入 告又不得

不少申末議也查福寧州雖當添兵但該汛離廈門

逆穴頗遠向雖有零星海逆黨羽游移窺犯近為我

舟師追擊而逆首朱天貴等已逃竄南下今我舟師

大隊出屯定海相機搗穴在逆賊斷不敢飛越北上

則福寧州可無海寇之患矣既無海寇可虞則城守

四百之兵不須添設只將鎮標原調入桐山營額兵

一百五十三名准撥補足額再將該鎮標左營原調

入桐山營遊擊一員把總一員准其補復員缺便足

以資分佈彈壓近本提督曾經面商該鎮亦無異詞

故敢述以叅議也尙剩兵二百四十七名內再請將

一百五十三名准撥補做標五營原調桐山之額餘存

九十七名留備別用再查福清一縣離省會不遠既

於鎮東添兵四百名則蒜嶺即添兵三百名亦足扼

守似可省出一百名以益楓亭蓋楓亭一區夙多伏莽數十年來未嘗一日平靜此往來差員商旅所却慮而戒心者也至於大盈小盈尤爲山寇要衝此地旣近東石逆穴咫尺大海內則九溪諸山路通安溪永春諸邑山海逆寇每於此中出沒若不安設重兵不足以斷絕山海之勾連本提督愚見擬於此汛添設守備一員帶兵五百名防守卽將原議減設福寧城守守備一員餘兵九十七名歸其管轄尙少兵四百零三名擬於雲霄營那兵三百名漳浦營那兵一百名蓋雲霄惟一土堡非如郡邑之有倉庫堪虞旣有官兵一千二百名自可分佈無事漳浦一縣已有總鎮重兵彈壓又有漳州爲之聲援不日水師提督蒞任復有水師牽制逆賊之腹背則漳浦一邑有兵一千四百名居守其中自有虎豹在山之勢無煩再慮以上雲霄漳浦共減兵四百名奏福寧存兵九十七名共四百九十七名卽令議減福寧城守守備一員統領駐守大盈小盈二處以塞東石安海之衝若有警息再於敝標調撥協助如此則沿海一帶星羅

碁布隨處周密戰守之權確乎在我掌握矣彼此俱
屬王土何處非關責任本提督身駐泉城見統數
千之衆乃於大盈小盈議添防守而於雲霄漳浦福
寧則議減戍此非臆爲輕重也蓋以本標士馬有應
援各府之責且山海未靖警息頻仍一遇有事便當
介馬星馳倘遠出追勦鞭長莫及若泉州至同安一
百三十里大盈一帶適中孔道無專防之兵扼守恐
宵小勾連又滋一番震動事關地方大計故不得不
以此會議之機詳慎敷陳惟貴部院再垂參酌可
耳合就咨請爲此備咨貴部院請煩察照裁奪示
覆施行

康熙十七年十二月初二日

申飭透越峇四鎮

爲申飭透越接濟之弊以絕盜糧事爲照遷邊畫界設兵巡防原期杜奸清野俾逆賊掠食無從則烏合之夥勢當不久潰散惟恐有一二不肖弁目聽信奸棍唆誘希圖微利明知故縱任其透越勾通合就移飭爲此合咨 貴鎮煩爲查照希卽轉行嚴飭所屬沿邊各協營將領務令不時親自帶領兵馬嚴行巡查并申飭汛防各弁兵凡係港口寸板不許下水若係陸路一絲一粟不許越出界外敢有陽奉陰違分

肥故縱及稽察不嚴致被透越者或經訪聞或被首
發定以通賊指叅事關邊禁

功令森嚴 貴鎮責任攸關幸勿泛視仍將通飭過緣由
見覆施行

康熙十七年十二月初十日

設法示禁咨兩院 平南將軍

為懇恩設法示禁急救殘黎事本年正月二十二日
據江東副將詹大奇呈稱據二十八都土坑九東等
社居民楊仕揚同等呈稱本社數村附屬大路屢被
海寇慘不可言幸逢大兵討賊喜見天日豈料本社
上樓攻破顆粒無存哀聲滿道僅存空屋又被兵丁
乘取柴火拆毀殆盡合情乞示禁止招徠殘黎等情
前來據此為照二十八都各村逼近大路雖未遷移
凋殘已極僅存棲身房屋况又播種及時今被營兵

拆毀不留半柱隻椽可憐未定驚魂又作流離落魄
卑職聞之痛切卽請憲令禁止旋復躬親傳諭孰知
頑兵不遵軍令數百成羣公然無忌將以民居爲瓦
礫場矣今據前情合亟呈請軫念民爲封疆根本移
知 都統迅示嚴禁庶留未拆之餘以免露宿之苦
竇憲臺恩施廣厦千萬間也等情到將軍據此爲照
逆孽狂逞倚水相持茲滿漢官兵雲屯漳郡相機進
勦凡附近孔道居民田廬荒毀流離之狀在

貴將軍副將洞悉民瘼早垂矜恤茲據該副將呈據上坑

九東等社居民呈詞懇乞設法嚴禁等情除經出示

嚴禁外合藉 貴將軍副將威靈嚴示禁飭俾滿漢官兵

共有遵守殘黎稍獲安堵得以及時播種其所造於

地方非淺鮮也今據前情合就咨會爲此備咨

貴將軍副將請煩察照嚴飭仍祈示覆施行

康熙十八年正月二十四日

海氛不靖咨兩院

爲海氛不靖勝筭宜周急陳情形請乞速撥重兵防
汛以固內圉以保子遺事本月二十三日據晉江縣
詳稱竊照逆孽披猖流毒已久我上憲經畧海邦剿
撫並施迅行遷界嚴禁接濟蠶茲小醜滅在旦夕區
區下吏何庸置喙然在晉地今日情形計之界地旣
遷逆賊計窮勢如困獸必鬪餓豕必突卑職日據所
聞海寇橫行縱恣派劫殘黎驚魂徧野哀號不敢不
激切陳之謹按泉郡濱海延袤二百里海逆在在可

以登岸而自晉地言之最要者無如安平前埔竿頭
靈水等處由小橋折而東則自陳埭青陽蚶江石湖
等處占陵舖折而南則沙溪金厝寮等處皆逆賊出
沒之要路先是順治十八年調兵分汛扼險而守十
里一寨五里一墩碁布聯絡聲勢相援故逆賊不敢
入犯內地之民得以盡力南畝安枕無憂今自遷界
之後調兵列守之符日遲一日逆賊劫掠之慘日甚
一曰內地居民泣無保障請兵致討則聚散無定防
禦難周則往來肆虐勢至城外兩關人民驚惶是咫
尺有鞭長之慮深為隱憂者也卑職身經守禦情形
已熟終日焦思晉邑為泉郡要領聚數十萬之戶口
全係此數處之屏翰茲者東石一處久為賊踞深河
結柵已成負隅之勢而安平前埔靈水等處地相逼
連逆賊聚為淵藪從此出入內地招夥派餉萬一復
踞一所深溝築壘固成窟穴倚為犄角則南鄉人民
淪陷湯火內外市肆貿易阻絕額編糧糶毫難徵問
是委萬姓之膏脂以資賊棄藩籬而守堂奧閭郡生
靈復危矣且賊敢入內地擾害者不過憑海鷗張嚇

我人民輸納糧餉以濟漳賊耳如我沿海之汛地蚤
一日安兵守禦則臺寨可蚤一日修築碁布勢成應
援聲壯此不惟泉郡之門戶永奠金湯併可以遏絕
漳賊之糧運速彼銷亡矣蓋逆賊以游踪海上旦夕
倏至焚民廬舍孥民妻子待我大師搜剿賊已揚帆
飄去故民寧受荼毒以救死者皆緣沿邊之汛地未
有重兵防護也今日安危機在眉睫伏懇迅發重兵
安置守禦固七泉之根本甦萬民之性命其在指顧
間矣合就申詳爲此除申

督兩院 寧海將軍外

卑縣備由具申等情到將軍據此爲照海逆肆亂以
來全閩沿海郡縣悉遭焚掠之慘漳泉尤甚茲滿漢
大師雲屯漳土逆孽猶時有乘間登犯擾我黎庶者
則泉屬沿邊紆迴數百里之間留禦兵單不敷分守
賊徒之頻入焚擄不問可知每據各將領呈報亟欲
調遣分防奈官兵限於制額無可藉手雖先前亦有
安設面寥寥百十之衆無濟事機本將軍爲邊防日
疎地方日壞輾轉思維心血已枯茲邊界既定勢當
派防本將軍廣詢昔季之情形細察今日之事勢卽

此派防之間又有當費一番籌畫者查順治十八年
間海賊以屢敗之餘膽寒氣喪故我沿邊五里一臺
十里一寨百十官兵便可保固無事然畢竟尙有馬
匹得以迅速冲突今逆賊之聲勢方張內地之奸宄
襍遯若邊防之兵只循舊數恐海逆乘潮突至千百
爲羣而我臺寨弁兵衆寡懸殊不特難以出勦尤慮
不足自守萬一挫損兵威則賊鋒愈熾兵心愈疲將
來且不可再振矣此前日與泉道建議請設重兵良
有以也今卽不能盡如該道所派之數亦應稍爲加
增昔之原額惟是本將軍現在行間又不得不酌量
標兵以勦進剿今擬俟東豫新兵調到收明之日卽
爲斟酌撥防除稍緩地方應俟本將軍回泉之日酌
撥外至於竿頭靈水前埔古陵大盈小盈各處更爲
衝要之尤者亟應於竿頭安兵五百名靈水安兵四
百名前埔安兵五百名古陵安兵二百名大盈安兵
五百名小盈青石宮二處共安兵四百名以上各汛
先應安兵共二千五百名以應目前之急但查各汛
相去或十四五里或二三十里不等一遇有警彼此

應援非藉馬匹難以星馳電擊今本標官馬缺乏
部發無期購補無資尤恐徒步之卒有警難於遠馳
互援則又屬紙上空言罔濟寔用不得不仰藉 貴
部院之訃謨早示區畫以救此泉屬之殘黎也今據
前情合就剴切咨商為此合咨 貴部院請煩察照
仍祈酌妥迅賜示覆施行

康熙十八年正月二十六日

地界安兵咨福寧鎮

為地界非安兵莫守橫寇非重兵莫禦謹歷陳遷後
情形仰祈鑒憐敷濟以保疆土以全民生事據福寧
州申稱切州境沿邊二百數十餘里汎地不為不廣
隘口不為不多當鎮營全設之日猶鯁鯁以地廣兵
稀不敷分守是虞况於今日所設之官兵其分防隘
口者僅能周密屈指而計中營遊擊劉濟源官兵二
百餘名駐紮赤岸橋看守船隻調防桐山營遊擊曹
良官兵三百餘名守禦州城調防平陽營遊擊傅鵬

翔官兵五百名駐守桐山此三營相隔脩途峻嶺各有守城守船之責其餘不過差遣塘撥以供瞭望偵探而已孰敢以寥寥有限之兵遠分要隘以當逆賊之衝而疎城池船隻之防故各寇如入無人之境日甚一日曾無一毫顧忌甚至直入內地焚殺捲擄嚇餉立威遠近刻無寧宇回者患在海濱今則患移內地藉非迅發官兵立時撲滅肅清內地以固疆界則賊勢日增民生日促恐涓涓不絕將成江河矣等情到本將軍據此案照先據該州申爲逆謀報忿有據等事內稱陳張諸逆屯踞地方意圖雪忿侵犯州城伏請酌撥水陸捍衛等緣由業經本將軍咨商 總督部院并移咨 貴鎮量發官兵回汛防禦在案續准 督部院咨爲呈請酌撥官兵等事復經本將軍移准 貴鎮咨覆撥發桐山營把總游明帶兵一百名候領糧餉立今起行等因茲復據該州申稱汛廣兵掃賊寇公然屯劄肆橫劫擄若非迅發官兵撲滅則賊勢日增民生日促等情前來爲查沿邊遷移已定要口自應撥兵防守惟是福寧官兵調赴來漳而

在州汛防官兵雖云卑薄亦當設法堵禦相機剿殺
乃因循退縮致賊勢鷓張以致劫擄此該州之不得
不屢請重兵及時剿滅以靖地方者也照據前情合
再亟移爲此合咨 貴鎮煩爲查照希卽迅發把總
游明帶兵星馳回汛守禦仍嚴飭在州將弁酌量地
方險易通融扼守務要晝夜用力瞭探加謹隄防遇
有警息奮勇馳剿保衛人民以安地方仍將撥兵起
行日期并飭行過緣由見覆施行

康熙十八年二月初六日

地界安兵咨督院

爲地界非安兵莫守等事本月初七日准 貴部院
送到 康親王令諭內開據福寧州知州張敏啓稱
州境沿邊汛廣兵稀逆寇直入內地放火殺人捲擄
男婦財物張示嚇餉并開邊界後被害地方日期情
形伏乞審鑒等因敬此爲照福寧僻處閩省北隅離
海道巢穴較遠向來頗稱寧謐自福寧鎮帶兵南下
會剿而山海小醜窺我兵卑遂敢乘隙劫擄然據報
俱係零星逆孽實非大夥海寇若在州文武果能和

衷協力鼓勵官兵鄉勇互相守望堵勦何以致其流
 突無忌該州雖係文職亦有地方之責平時既無弭
 盜之術而有事輒大聲狂呼越啓 親王前據該州
 詳同前由本將軍隨經移咨福寧鎮催將原議發回
 桐山營官兵一百名迅令馳回福寧協同在州將弁
 酌量地方險易通融扼守去後今奉 王諭前因相
 應再於該鎮所帶官兵之內掣回二百名并前議遣
 之數共足三百名令其兼程回州相機防勦是否妥
 便迅祈示覆以便轉移遵照至於該州狂呼越啓未
 知 貴部院前此曾否申飭細揆該州之意寔欲逐
 福寧鎮之回州以卸地方之責任耳然行開與賊對
 壘日夕相持兵馬尚慮卑薄該鎮豈可輕易遽撤諒
 貴部院碩畫當有以洞及也合就咨商為此備咨
 貴部院請煩察照迅祈示覆施行

康熙十八年二月初七日

平閩紀卷之六目錄

咨文

酌設沿邊咨兩院

特請增兵咨撫院

稟報事咨督院

請令撤兵咨兩院

備陳勦賊咨兩院

備陳勦賊咨浙督

遵奉 俞旨咨兩院

詳請添兵咨督院

奏聞事咨督院

密報事咨喇將軍

呈請憲示咨兩院

特請飛調咨督院

密請添兵咨督院

賊盛兵單咨督院

稟報事咨兩院

密報事咨興化鎮

密請安置咨兩院

特請飛調咨水提

重地未便咨喇將軍

平閩紀卷之六

懋紹漁山

三韓楊 捷元凱著 男懋緒令鴻纂

懋綸今掌

酌設沿邊咨兩院

為酌設沿邊要汛以資防禦事准 貴部院咨開准

撫院吳 咨前事等因到部院准此為照惠安營至

福清蒜嶺沿邊一帶已經撫院吳 巡閱各汛應設

官兵佈置分防既經酌定相應咨會為此合咨貴將

軍請煩察照希即迅撥官兵二千五百名分佈沿邊各汛倘有不敷本部院再撥兵五百名統聽貴將軍分發防守仍希見覆施行等因并准 撫院吳 咨回前因各到將軍准此時本將軍因驗收東豫新兵發伍正在酌定兵數分發回泉汛守然後咨覆復准大咨前事內開准 撫院吳 咨內開本院旋師閱

歷躡劫形勢并與鎮汛諸將細加商酌自漳州大王廟起以至泉州并興化至蒜嶺一帶安設官兵數目業經本部院備移貴將軍迅發官兵防守倘有不足本部院再撥兵五百名統候分撥在案但邊界遷徙已經兩月沿邊處所尚未安兵盜賊縱橫出入無忌斷難刻緩合就咨催爲此合咨貴將軍請煩察照迅撥官兵令與泉道同貴標員沿途安置分防至切至切等因准此爲照沿邊遷界已定自應設兵防守茲撫院巡閱漳泉興化各郡縣邊汛派定官兵堵防備極周密詳悉深得安攘至計惟是各營兵額猶恐不敷分布如泉州沿邊各處所需兵數計本標制額只有四千八百五十名而本將軍現在行間與賊對壘

堵守邊牆尤爲緊要不得不酌留官兵以備緩急今除酌撥官兵二千名於本月初一日着令本標左後兩營遊擊朱起龍劉國興帶領回泉酌量地方險易先爲分佈守禦去後若照撫院原定之數尙屬不敷似應俟蕩平漳寇之日本將軍帶兵回泉方克如數撥發也其洛陽橋惠安二汛雖已添設營制而兵馬皆未補足茲查本標五營已收東豫新兵其舊兵溢額約計一千上下已經行令中軍叅將馬勝將溢額舊兵盡數分發補入洛陽惠安二新營且洛陽遊擊趙雲奉令帶兵往同安會剿今鄭不伐已經受誠該將現在赴汛料理則洛陽惠安二汛只俟本標溢額舊兵發到即可分佈巡防至於興化沿邊所需兵馬除已經檄行遊擊李雯將現防洛陽官兵俟遊擊趙雲并本標溢額兵丁收補之日盡數撤回興化則興化邊防亦稍足資矣再查福清連江羅源原調南征官兵內除酌留福清砲手一百名連江營砲手二百名防守邊牆外其餘已遵大咨盡數發回原營守邊去後茲查得小盈青石宮大盈地方已有本標

官兵防守惟東嶺荔枝園二處乃大盈小盈青石宮
適中之地本標額兵不敷撥派而東石內瞭山九溪
山海逆乘隙出沒得荷 貴部院垂念邊防大計撥
募勁旅五百名在彼添防則大路一帶可保萬全此
又藉 貴部院之鼎力鴻謨也

康熙十八年四月初三日

特請增兵咨撫院

為特請增兵汛守以固地方事准 貴院咨開據驛
傳道呈詳福清之鎮東牛宅海口等處逼近樹頭海
壇山請飭福協仍撥龐守備再增兵三百名汛守其
漁溪等處或將調去福清之兵發回本營分汛或別
撥兵丁選員協同防守等緣由到院據此相應咨達
等因到將軍准此為照福清汛地遼濶兵力不敷汛
守先經本將軍咨明 督院將所調南征官兵發回
二百名以為汛守邊汛之用至於蒜嶺等處新經

題設守備一員額兵四百名近該營守備田龍見請留
福清營原發回南征官兵以爲安營立寨之資業經
本將軍咨准 督院覆示飭行該備迅將額兵作速
設法募補足額發回原兵在案是福清之蒜嶺等處
兵力頗足似可少敷防禦至於鎮東一帶尙須添防
但附近各營委無餘兵可以調撥祈 貴院預畫或
就近酌量緩急通融挪移以資汛守俟新設之鎮東
營官兵募足之日撤回可耳

康熙十八年四月初十日

稟報事咨督院

爲稟報事本月十三日據延平城守左營遊擊邵乘
龍呈詳等情到將軍據此爲照逆孽紀朝佐流竄德
化永福二縣自當發兵窮追搜捕以絕根株茲據稱
延平郡城只有將官邵乘龍兵三十餘名現在無兵
可撥等情惟是永春一縣與德化毗連在泉官兵現
經盡數撥防沿邊無可遣發前往接防該縣城池倉
庫爲重其延平原防永春官兵似未便發回所有副
將康泰所帶會剿寧化官兵七百九十名近據各協

將報稱黃機禾屢爲官兵殺敗等情則逆賊之形勢
畧可槩見今或只令郭裴二副將會同樂總兵官兵
在彼搜剿行令延平副將康泰將所領官兵盡帶回
延會剿紀朝佐或行令該副將於所帶官兵之內酌
發二百九十名着令能員帶回并行遊擊梁九鳳將
現防寧洋官兵之內酌撥一百名馳回延平庶足以
資堵剿并可兼顧郡邑城池倉庫查寧洋縣汛係漳
州所轄應祈 貴部院檄行漳州鎮標擇撥官兵二
百名前往防守責令遊擊梁九鳳將原帶官兵二百
名馳赴寧化會剿黃機禾其副將康泰乃係委署回
部改推之員若久在行間未必盡心且恐呼應不靈
或應令其原帶官兵七百九十名帶領回延內留二
百九十名固守郡城倉庫其五百名責令遊擊邵乘
龍帶領會剿紀朝佐庶出處戰守均之有備矣本將
軍管見如此是否有當合就咨商爲此備咨 貴部
院請頒察奪示覆以便行營遵照施行

康熙十八年四月十四日

請令撤兵咨兩院

爲稟報請令撤兵事本月十四日據邵武副將郭奇
署延平副將康泰隨征屯田總兵樂燦報稱竊照卑
職等奉憲令帶領官兵會剿逆寇黃機禾等已于三
月二十日進攻賊口二十二日辰時直搗巢穴當陣
殺賊奪械并逆賊棄却空堡竄逃各情形俱經具報
在案時職等暫割畱猪坑分差躡探黃機禾踪跡聞
於二十四日據原發上伊一路進剿各營千把范得
勝等寧化縣安遠司巡檢馮奇同報稱得勝等遵奉

卽於三月二十二日黎明帶領日兵前進陸里郊洋地方賊黨踞險抗敵四處埋伏得勝等分兵三路奮勇冲殺奪進賊口當斬殺賊旗手二名得獲大旗二桿殺賊衆三十餘人得獲篙鎗馬叉旗幟等件及至午時賊敵不住又奔上高山竄入空土堡得勝等協同巡檢馮奇帶領上伊難民鄉壯張教化等四面架梁冲殺上山圍堡當陣砍賊十餘人砲傷滾落山崖約計二十餘人餘黨四散潛逃其空堡當卽火焚各營兵丁陣獲旗幟鎗砲等項相應一并報奪等情據此卑職等會商雷猪坑巢穴空堡已焚師劄無益隨議令汀營裴副將卽領該標官兵前往汪家地一路搜緝卑職等帶領官兵前至郊洋一路搜緝時據上栢丈難民熊邇爲報稱聞有黃機承只帶五六十人走往江西地方去等語卑職等挑選日兵三百名着令邵營千總何承統范得勝等各領星馳追趕去後於三月二十六日據千把何承統等回稱三月二十四日酉刻統等蒙令帶領精壯日兵滿夜前往至二十五日辰刻到石城高田地方計趕八十餘里時

據本地練總何就口稱并鄉民傳說黃機未被福建大兵殺得大敗只帶五六十人走去江西贛州投誠去了等語卑職統等會商未知果否欲割高田又係江西地方所帶日兵糧米無辦難以窮追不便久割合撤回營等情據此該卑職等切照黃機禾聚眾肆虐盤踞畱猪坑老巢茲奉憲令撲剿前後剝殺三陣敗遁江西巢穴已蕩餘黨零星潛匿只今各營重兵久駐敗亡餘賊斷不敢出惟是卑職等經歷地方日覩田地拋荒議將克剿地方應聽該轄汀州裴副將

一旅暫割要地會全寧化縣多方設法招徠編氓庶餘黨自出歸農而界內一清則黃機禾不敢復逞地方漸見寧謐矣今卑職等除移會裴副將及照會寧化縣知縣招徠去後各帶官兵撤至中砂地方暫割現候憲令撤兵外理合具稟等情到將軍據此爲照山賊黃機禾負固跳梁業遣發各副將統領官兵會師夾剿擒斬纍纍燬巢獲械而黃機禾被追勢促只帶隨從五六十人鼠竄江西所有脅從餘黨悉係附近居民大創之後勢必零星潛匿似不必將各營兵

馬久屯境上相應行令副將裴天祿酌畱才幹守備
一員帶兵三百名暫畱該地方與江西交界處所會
同寧化縣相機剿撫以絕盜萌其餘各營官兵仍令
副將郭奇裴天祿帶領馳至德化會剿紀朝佐其副
將康泰帶兵回守延平以便遊擊邵乘龍帶兵前赴
永福德化尤溪三縣交界之地會剿以絕內奸事平
之日即便發回各營本將軍管見如此是否有當合
就咨商爲此合咨 貴部院請煩察照裁奪檄調仍
祈示覆施行

康熙十八年四月十七日

備陳勦賊咨兩院

爲備陳勦賊情形亟賜上策以絕根株事本月初二日據桐山營遊擊曹良呈稱竊照卑職奉令會同浙師夾剿南鎮雙頭衛二處逆賊叨蒙憲臺福庇於四月十一日同各營官兵攻克南鎮得勝緣由業經塘報在案更有雙頭衛一處逆賊尙未搗穴會同客商進剿至十二日浙汛官兵全卑職一齊掣赴後崎界外屯住議撥日兵踰探路徑據浙閩各營日兵回稱後崎離雙頭衛有三十餘里十五里之內尙有一線

小路餘皆連海靠山乃海巖峭壁一人尙要攀緣而上過此皆汗泥深陷越一小山看見賊巢係孤懸海島四面皆水非船萬難進剿窠前現有賊艘在彼灣泊等情卑職公同詢實聞隨准溫協賈副將溫鎮標左營馬遊擊福寧鎮標中營劉遊擊等面云據稱雙頭衛係海中心陸師雖勇未能飛渡必須水師重兵夾攻方克有成等語其賈副將馬劉二遊擊於本月十五日黎明各帶領弁兵起行回汛外卑職細思南鎮巢穴已經我師焚搗而餘氛奔遁上船勢必合歸雙頭衛嘯聚今日倘不盡力滅根後日毒害地方滋甚卑職固不足惜其如封疆何茲賈副將馬劉二遊擊決意歸汛難以強畱而在州水師丘遊擊又負約愆期畏縮不前不得不備情稟請憲臺迅發諸練水師以攻其前陸師以躡其後餘孽根株不日可靖卑職所帶官兵一面駐劄白琳地方堵防一面候發水師夾剿仍請飭行浙閩原同夾剿官兵依舊會齊一

處協力截殺地方幸甚卑職幸甚等情到本將軍據此爲照南鎮逆賊雖被官兵剿敗然根株未絕終屬

遺患况雙頭一處尙未搗穴今各兵卽欲回汎賊勢
必將復燃自應乘此兵威水陸夾剿掃蕩巢穴乃爲
上策今據前情合亟咨商爲此備咨 貴部院請煩
察照希卽檄行水師管速撥諳練水師重兵船隻駕
進雙頭衝口并檄行原同夾剿各官兵訂期會師水
陸夾攻以空巢穴以淨根株施行

康熙十八年五月初五日

備陳剿賊咨浙督

爲備陳剿賊情形等事准 福建撫院吳 咨開本

年五月初一日准 定海將軍王 咨開本年四月

二十七日准本院咨開准本將軍咨前事等因到院

准此爲照海逆灣泊雙頭衝既係孤懸海島非船難
以進剿該將請撥水陸夾攻今經貴將軍運籌制勝
添撥水師會同劉遊擊訂定日期水陸奮力夾剿深
見計謀碩畫仰咨 浙江督院飛飭原發官兵仍至
桐汎訂師會剿應候 貴將軍主稿可也等因到本

將軍准此爲照南鎮雙頭衛賊巢原准 浙江督院
咨移兩省會師水陸夾剿今南鎮之賊業經官兵攻
殺焚巢餘孽敗遁則雙衛之賊誠宜一并殲除前據
福寧鎮標中軍遊擊劉濟源報文本將軍已經飛飭
原在福寧配船水師叅將丘廷輔星速會同劉遊擊
率兵訂期水陸進剿矣今桐山營遊擊曹良以地係
汎屬恐貽後患乃請浙閩兩省原調會剿官兵合力
剿除應否如其所請故以奉商今准大咨前因但本
將軍所管者水師也或原發船兵足以剿除或應再
爲添發協力夾擊本將軍不敢岐視至於陸路進兵
且事在鄰省則應仰請貴院主持咨會飭行本省軍
似未便越俎合再咨會貴院請煩查照酌示等因到
院准此合就咨會爲此合咨貴將軍請煩查照裁酌
迅賜示覆等因到本將軍准此爲照南鎮雙頭衛海
逆恃險跳梁業荷 貴部院遣發浙屬官兵會同閩
省福寧桐山官兵協力夾擊南鎮逆賊已經攻殺餘
夥復投雙頭衛盤踞海島茲 水師將軍王 現在
照撥水師官兵合師搗穴至於陸路官兵除經本將

軍移咨福寧鎮着令能將帶領馳赴桐山候期進發
外所有 貴部院原調來閩會剿官兵統祈 貴部
院威靈檄令星速前來訂期協剿俾浙閩得受救寧
之福皆出 貴部院之鴻慈也今准前因合就咨達
爲此合咨 貴部院請煩察照賜覆施行

康熙十八年五月十二日

遵奉 俞旨咨兩院

爲遵奉 俞旨等事本年四月十一日准 貴部院

咨開准 兵部密咨前事等因到部院准此合就咨

商請煩察照作何建議 題覆惟祈卓裁示覆等因

到將軍准此爲照閩省地方形勢南北延袤二千餘
里一面倚山一面臨海倚山則崇岡疊嶂臨海則萬
里汪洋自康熙十三年變亂山海逆寇乘機交訂踞
險跳梁及康熙十五年大師入閩漸次削平使當時
卽增設官兵星羅碁布則餘孽勢當潰散不致復有

此番之騷動惟是以宇內多事措餉維艱前任

提督

不敢陳請增兵以致調撥不敷防剿無藉遂致海澄

失陷泉郡被圍致煩滿漢大兵雲集應援若非仰賴

朝廷威令則閩南半壁幾不可爲茲海逆現在與我師對

壘更散遣逆艘往來於沿邊窺伺在我各汛扼防不

可不極其甚密業荷 貴部院宏裁建議 題增兵

額并海澄公原轄兵丁俱分派於沿邊要汛防剿設

官分轄以崇責成此蓋相度形勢因地制宜邇來扼

守頗密孔道始通山海之勾連隔斷賊衆之糗糧始

絕茲 內部以所汰海澄公原兵一千一百三十七

名不准補足又以所添一萬八百名之兵原未令其

另立營伍添設官員并將水師提標官兵既就此所

增兵額之內派撥移咨再議具 題等因查原 題

派撥官兵汛地如浦城一汛實爲全閩上游之衝外

省解運協餉必由之路際此鄰省山寇未靖不時侵

入若不特設專汛斷難保無疎虞若閩安爲省會之

門戶鎮東爲福清之藩籬皆逼臨大海賊艘乘潮可

以直入內港必設重兵方可扼其侵犯至於蒜嶺楓

亭乃驛站孔道凡解運餉銀火藥甲械到此勢須歇宿且咫尺波濤逆艘日在游移尤當設兵彈壓以杜覬覦惠安爲興泉之脈絡洛陽乃泉州之咽喉每值大潮之候萬頃汪洋若不亟設重兵則賊之艘艦巨艦往來無所顧忌不特內地居民日受蹂躪且恐孔道不通軍機因而阻梗矣其灌口龍江乃漳州接壤適中之地與廈門逆穴對峙相隔一江卽此一千之兵尙慮單薄又何可輕易議減也在江東橋官兵現在與賊對壘日夜戒嚴海澄一縣雖未恢復而該營所設官兵亦現在屯劄江東橋兩兵互相犄角以堵逆賊勾連山寇取糧之要道是又不可一刻疎防也至福寧一州處閩省北偏地勢紆迴爲濱海重地雖有鎮標及銅山官兵而汛險兵單不敷防禦是城守官兵又亟宜添設也以上各處俱十分緊要自應仍照原題之數設立官兵以資彈壓至若泉州所屬之大小盈逼近東石逆穴當設重兵一千餘名以資邊防祇因錢糧匱乏再難議增今若將所汰各標原兵不准募補又於此內撥充水師提標再除漳浦漳

州同安三鎮已經奉 旨設兵九千名則餘兵僅三千餘名將何以分佈於沿邊各汛乎夫以閩地之邊汛皆賊踪飄忽在在可以登犯兼之逆賊狡謀每見餉銀火藥經過遂欲擁眾截劫本將軍屢次統兵接護今若各汛兵單萬一有失則賊志愈張咽喉孔道不遑軍餉輓運難前山寇復從中遙應窮民因而騷動恐股鑿不遠前轍堪虞且查水師提標官兵原在二萬數內已於備陳剿賊等事一案經 親王具題部覆奉 旨准行在案此尤祈 貴部院剴切陳明

者也至添設官員另立營伍有兵自應有官若使附近各營將弁遙為統領恐責成不專巡防不力莫若尚汛弁員以汛為家功名性命相關自必加謹嚴愆總之閩省從我 朝定例以來為海逆擾攘勞師動眾所費 公帑金錢幾千萬計延至今日尚未蕩平今欲保固封疆一勞永逸自當破格用兵奮揚威武設官分職勿惜小費秋間水陸大舉轉盼屆期倘邀朝廷威靈掃平逆穴焚鋤積寇事平之日或可將新設官兵酌量裁併以省 國帑若再因循從事邊防不固

國朝 卷之六
恐糜費錢糧無所底止本將軍雖賦性愚昧豈不知
措餉艱難當勉從樽節惟以身在地方日擊山海情
形既准 大咨詢及不得不備晰直陳是否有當尚
祈 鴻裁酌妥主稿 題覆可也今准前因合就咨
覆爲此合咨 貴部院請煩察照施行

康熙十八年五月十五日

詳請添兵咨督院

爲詳請添兵以固邊防事本月十二日據本標左營
遊擊朱起龍前營遊擊焦國巡今呈稱本月初六日
據偵探報稱聞觀音山一帶賊寇俟稻穀收完日隨
於祖山頭築造砲城其餘要壘來泉州所有鋏鋏搬
運東石不知欲於何處築寨等情據此案照遵奉憲
令控營築寨一處完固卽撥一股官兵駐防誠恐安
設之後兵力漸次單薄故調邵武郭副將帶兵一千
名前來協護事竣撤回如安設臺寨官兵不敷立即

具文呈請酌撥等因遵行在案茲郭副將一時未到
卽到亦須添兵卑職現在護築康店青石宮小盈三
寨報竣之日隨卽那營前埔靈水二汛但靈水前埔
對向逼近東石距廈門一潮之水悉係賊寇取糧要
口非重兵難以防禦今次第修築隨完隨安兵力益
見单薄若賊寇無多守邊官自能剿殺如賊勢重
大必須另設援剿接應以保萬全倘兵力稀少雖臺
寨分布賊寇亦得乘虛侵犯恐於沿海險要處所挖
河築壘我兵不無多事之累百姓未免蹂躪之苦抑
有請者泉郡沿海地方遼闊比別處十分險要各都
鄉村尤當修造土堡以藉安身設立練總以司聯絡
清查保甲以除奸宄遇有小警鳴鑼響砲守邊官兵
協同鄉隣立可應援若遇大夥又有援剿官兵併力
追殺自無焚掠擄劫之患合無檄行府廳縣實力舉
行此亦守望相助靖盜安民之急務也等情到將軍
據此查照先准 寧海將軍喇 咨據該將報稱海
賊要來泉州地方取糧擬石井東石等處登岸等情
咨商酌撥官兵添防邊界等因業經本將軍移咨

貴部院察奪在案續准 大咨檄令遊擊朱起龍焦
國巡等前往靈水防禦并撥何兵協剿等因隨經本
將軍飛調副將郭奇帶兵星馳康店護築寨垣以便
朱起龍馳赴靈水設寨安兵咨明 貴部院去後茲
據呈稱靈水前埔一帶逼近逆穴最爲緊要請添官
兵并各都鄉村尤當修造土堡設立練總清查保甲
遇有警息鳴鑼傳砲互相守望以便官兵應援協剿
等情前來是亦綢繆疆圉弭盜安民之要務但靈水
要汛止以遊擊朱起龍焦國巡所帶官兵前往堵防
未免單薄相應一并咨達爲此備咨 貴部院請煩
察照希賜酌撥官兵添防併祈檄行該道府縣清查
保甲以杜奸宄併令各鄉村並設練總修砌土堡互
相守禦以固地方仍祈見覆施行

康熙十八年六月十五日

奏聞事咨督院

爲奏

聞事本年六月十四日准 貴部院咨開准 兵部咨前

事等因到部院准此合就移咨請煩察照希將

親王兩議 題疏聽本部院與貴將軍另題字樣酌裁

示覆以便會疏 題覆施行等因到將軍准此爲照

逆賊竊踞險島抗拒顏行致煩大師會討雖屢挫賊

鋒然猶負固跳梁踰時賒死凡屬封疆臣子恨不滅

此朝食以紓

皇上海顧之憂惟是掃蕩巢穴必藉船隻堅固齊備水兵
操練精健方克有濟茲准 大咨詢議

題覆細繹 王諭原題疏內進剿海賊必須調取荷蘭
國船隻方可舉行此誠 親王思深慮遠慎重制勝
之宏謨但目下荷蘭國

物書尚未齊捧前去則此項船隻難應師期爲今之計惟
俟 水師提督萬 統領岳州江南浙江戰船二百
來閩必由舟山普陀沿海驅剿零星賊艘先聲可以
奪人併將在省修造新舊戰船三百隻配兵操駕齊
備實有可以破敵之具卽就九十月間風信旣順水
陸夾擊諒海島游魂無難授首倘 水師提督萬
所統戰船一時未到本省舟師尙未齊備或俟冬盡
春初另期進剿抑或遵照

親王疏內所議本將軍未敢擅專統聽 貴部院酌裁
主稿

題覆可也今准前因合就咨覆爲此合咨
貴部院請煩察照施行

康熙十八年六月十五日

密報事咨喇將軍

爲密報事六月二十七日准 貴將軍咨開准 總

督部院姚 咨開泉屬各汛原係本將軍舊汛似應

於隨本將軍在鳳山兵四千外尙餘兵一千名卽於

此中添撥貼防等因并據遊擊劉國興報稱竿頭亦

有本標官兵五百二十七名再撥五百名湊額等情

查竿頭逼近東石深澗又接連海濱爲賊所必爭之

地且本月十九日被我官兵殺敗賊之挾仇報復亦

勢所必至而竿頭士卒寥寥實切疎虞之患合再請

添撥抵泉以爲固禦等因到將軍准此爲照本標五營額兵實在四千六百七十名援剿兩營實在一千六百二十名通其實兵六千二百九十名今現隨本將軍在鳳山營盤共兵三千六百餘名分發左前後三營遊擊朱起龍焦國巡劉國興等帶往竿頭靈水康店以及分防永春德化南縣共兵二千四百九十餘名存留防守泉州并養病兵丁一百八十名此六千二百九十名之兵額俱已分遣無餘所以前准大咨委因無兵可撥故不得不咨商 督院也續准

督院咨覆亦以無兵可撥前來本將軍念切泉城根本重地兵單可慮不得已於現在鳳山防守邊牆三千六百名之內摘選三百名着令守備楊可能帶領馳赴竿頭添防已經咨明 貴將軍在案今復准貴將軍咨開前因查行間之兵現在與賊對壘難以再爲抽撥查本月二十六日據邵武副將郭奇呈稱已帶兵到康店地方合營俟三四日內寨城完竣卽赴靈水前埔會同朱焦二遊擊築寨等情則是遊擊朱起龍等所帶本標官兵已有郭副將與之會合聲

援已壯應於本標官兵之內行調一百名馳赴竿頭以湊一千名之數責令遊擊劉國興調度剿禦其餘本標官兵一千餘名仍令遊擊朱起龍焦國巡會同郭副將在於靈水前埔護築臺寨報竣之日令遊擊焦國巡帶領本標兵一千名防守靈水副將郭副帶領原轄兵一千名防守前埔則沿邊星羅碁布似可以保固無虞矣

康熙十八年六月二十九日

呈請憲示咨兩院

爲呈請憲示以便畫一支除事本月初八日據中營叅將馬勝呈稱竊照病故兵丁倒斃馬匹查本標定例不拘月內日子之遲早俱以是月初一日開除任支茲據各營弁目稟稱倒馬兵丁要照江南截日任支若依截支之例恐貽後來駁追之累無可賙補僉乞轉呈示下遵照據此該卑職查得倒斃馬匹疊經詳報開除亦有奉批照例截日任支者亦有奉批以本月初一日任支者茲據前情相應呈請憲臺裁示

嗣後標營故兵倒馬應否截日支除抑或仍照定例以本月初一日任支俾有畫一永爲遵守以免各兵紛爭理合呈詳爲此備由具呈伏乞照詳施行等情到將軍據此爲照閩省海逆未平兵馬日在剿禦按月關支糧餉草料雖宜嚴核樽節然今昔時勢不同亦當權衡體恤庶可以鼓勵兵心如脫逃兵丁不特恐其在外不法卽畏勞思逸生心離伍已干犯軍紀其名下糧餉勿論係何日脫逃自應以脫逃月分初一日任支無庸再議矣准是陣亡兵丁則係奮勇殺賊爲國捐軀及一切病故之卒則係晝夜荷戈殲宿露暑濕潛入膏肓馴致不起當其寸氣猶存三殍糜爛俱仰給於糧餉關支到手便爾分用無存殆及身故其名下糧餉不論係何日子槩令以所故之月分初一日任支則已關之糧米勢當追補官欲問之本兵其如骨化魂消無從查取若責之該管將弁則勞苦窮員月支俸廩尙不足以資八口何能爲故兵填還再查倒馬一項際此剿禦殷繁全資馬力馳驟窮丁百計借貸覓料喂養期得馬匹臚壯以備

衝突滿望按月關支草糧分還債負不幸官馬倒斃亦不論係何日子其草乾俱以所倒之月分初一日住支致兵丁所貸之債無可賠還卽在無事之時猶不可責令窮兵捐資養馬况今日之馳剿肆出而可令兵丁枵腹賠料耶本將軍歷任山東江南除逃兵糧餉以各月之初一日住支外其病故兵丁及倒斃馬匹俱係截日住支卽今援剿左右兩營現有成例可考茲聞省現在用兵而故兵倒馬俱以本月初一開除似非所以體恤下情鼓舞兵心也查此例因變亂相仍營務亦從無整頓所以因循相沿 貴部院八閩提衡三軍司命惟祈因時制宜權衡通變將故兵倒馬餉乾援山東江南之例准以截日住支則各營弁兵無不感激思奮矣本將軍以有山東江南事例據呈請示畫一前來不得不剴切轉咨爲此備咨 貴部院請煩察照仰祈體恤下情俯賜酌奪仍祈示覆以便行令各營遵照施行

康熙十八年七月十一日

特請飛調咨督院

為特請飛調等事本月十八日准 貴部院咨開准

兵部咨前事等因到部院准此除行布政司查明船

隻數目外合咨察照將閩省現有船隻果否足以破

賊倘難以充用若取江浙船隻並無可虞必能取至

福建酌議見覆施行等因同日又准 撫院吳 咨

同前事內開為照江南浙江船隻原經 督部院會

題同官兵水手一齊赴閩續准 部議令 提督萬

官兵配駕前來今 提督萬 由陸進發其江南浙

江船隻又准 部行或可不取并取到並無可虞抑
或撥發官兵必能取至再議具

題等因查在省有原舊鳥趕船二百五十隻新造鳥船

五十隻共船三百隻并八槳小船約計可以配兵三

萬餘名今現在水師兵丁止有二萬名除配駕外前

項船隻尚有餘剩若再調江浙戰船既無官兵水手

一回來閩又難遣發官兵遠去配駕即使前船到閩

有船無兵總無濟用莫若遵照 部文或此等船隻

即可應用等語再加酌議添兵配駕征剿是在貴將

軍碩畫會商妥確迅賜主稿會 題者也相應咨達

為此合咨貴將軍請煩查照示覆施行等因到將軍

准此為照破滅海賊必藉舟師是以前經會議

題調江浙船隻并紅毛夾板以及本省現在戰船會合

夾擊在案雖目下夾板彝船未到然騎虎之勢似難

中止自當商酌進取以收蕩平惟是江浙之船

部行復議茲准 撫院咨開閩省新舊各船約可配

兵三萬餘名而現在水兵只有二萬除配駕外船隻

尚有餘剩等因則江浙之船似可不用矣但今舟師

尚未配駕 水師提督尙未蒞任若遽以不需江浙之船入

告萬一水師提督到閩或以本省之船不敷配駕進剿或以江浙戰船寬大堪用另有一番建議將又費一番覆 請之煩且 水師提督萬 現由陸路起程將次到閩似應俟其到閩之日將現在各船查看每船果可配兵若干名各船共可配兵若干名是否足用進剿應否仍調江浙船隻公同確議會疏

題覆尤爲畫一妥便况 水師提督生長閩南練習地方情形其於戰船事務諳所深知搗巢大舉似當集議以收萬全之効也旣准 大咨詢及不得不謬抒末議是否有當統候 鴻裁酌奪者也除卽備覆撫院察奪外合就咨覆爲此備咨 貴部院請煩察照再賜酌委主稿具題施行

康熙十八年七月二十一日

密請添兵咨督院

爲密請添兵防護修寨事本月初三日據泉州海防同知蘇良嗣呈稱竊照水頭一寨跨入海港中三面水環一面通陸誠爲扼要險地臭塗賊船則在對面石湖蚌江賊船則在緊隣乃賊出沒要道必爭之處也以賊數而論倍於東石以地險而言更倍於靈水前埔卑職奉令督修敢不察地利而度賊勢計畝萬全以絕逆賊覬覦查護修靈水前埔二寨原奉撥發官兵三千餘名移營時又有大兵前往保護下營故

免疎虞然狂賊猶敢中夜屢犯所幸兵多有備得以制勝今計現在護修陳埭之兵浙江七百藩下二百道標四百晉江營二百祇共一千五百名耳况晉江營之二百已畱防陳埭而浙江之兵又有抽換回泉之舉卽另爲補發亦不能多是以倍險之地而反少兩倍之兵此其難易不待縷述夫知彼知己百戰百勝今賊勢地勢如此何敢冒昧以行卑職長顧却慮計日今現造陳埭一寨塘房晝夜併工亦須半月及至彼時則前埔寨久已報竣在彼官兵除防守外尙有不駐寨之藩下馬兵及存泉城之藩兵可以盡數撥發提標左營朱副將所將提標兵丁除畱防靈水等汛外雖久勞於外然當多事之時亦可令帶親隨再來水頭料理餘者請於城守營或別營添撥數百名大約極少亦須足二千之數方可移營前去水頭并請移咨 寧海將軍如靈水前埭之例撥發滿兵暫護下營俾營盤之濠壘完成再當多聚人夫併力造寨以報憲臺嚴令伏乞鑒察卽賜允行庶軍威震赫而卑職亦免悞公之愆矣除呈

總督部院
寧海將軍外爲

此備由牒呈本將軍查照施行等情到將軍據此爲
照沿邊修築臺寨以安兵設防藩籬旣固則堂奧自
安也是厚集兵力安營護寨爲目今第一要務查陳
埭等汛臺寨業已修築將竣計日可以移師至水頭
造寨必須重兵防護方保萬全昨荷 貴部院另撥
陳士愷官兵六百名前往防禦惟是浙標官兵似亦
應暫畱共爲防護俟水頭寨告竣之日再調回泉緣
水頭乃海賊出沒之地若不多撥官兵護衛興工誠
恐逆孽窺我兵單狡謀侵擾相應仍如靈水前埔之
例撥發滿騎暫護下營俟營壘安完撤回滿甲可也
今據前情除卽移商 寧海將軍外合就咨達爲此
備咨 貴部院請煩察照仍祈移咨 寧海將軍酌
奪撥發以固疆圉施行

康熙十八年八月初五日

賊盛兵單咨督院

為賊盛兵單 國用匱乏特請額外捐膳以靖海疆

事本月初八日准 貴部院咨內開准 兵部咨前

事等因到部院准此為照前項官兵內中協遊擊薛

受益帶兵一千四百名守江東橋頭一寨內左營王

祿守小港洲內右營謝思禮守萬松關今此兵既奉

議或本部院自應祇遵解散但三處實係要汛本部

院又未敢遽撤邊防合就咨商為此合咨 貴將軍

請煩查照本部院內標三營官兵三千二百餘員名

現在汛守邊牆今既奉撤應撥何項官兵前往接防以遵

新旨希祈迅賜卓裁示覆施行等因到將軍准此爲照內
協三營官兵三千二百餘員名奉議裁補本將軍細
查內中協遊擊薛受益帶兵一千四百名在江東橋
外甌溪頭山剗營其右斜對果堂寨其左直對太平
寨俱係逆賊營盤相去一二里不等每口逆賊出哨
或隔半至一箭之地與官兵相持打砲時刻難弛此
不可輕議裁撤之一也內協左營王祿在小港洲下

營西對陳州面對馬洲及灣腰樹東對觀音山四處
皆逆賊營盤朝夕對壘放砲相拒此又不可輕易裁
撤之一也內協右營謝思禮在萬松關嶺堯社地方
下營與逆賊之仔洲浯浦等河邊各營盤相對壘此
又不可輕易裁撤之一也三員皆夙稱戰將 貴部
院爲地擇人使之駐防第一衝險自上年來官知地
勢之要害斯隄備無疎兵識賊情之叵測亦拒敵不
懈近逆賊又添龍煩柳條等砲二十餘位不時攻打
然終不能逞其克焰亦恃有三營堅持之力耳今奉

新旨內協三營不准食糧裁補各營老弱兵丁裁缺之內
隨准 大谷內開三營官兵現在汛守邊墻今既奉
撤應撥何項官兵前往接防顧念沿海自折邊之後
寸寸界墻皆資兵守已有汛廣兵少之患其上游四
府又多山賊伏莽在在須防實無餘兵可以抽調接
防諒在 貴部院洞鑒之中矣值此需餉浩繁之際
廟堂爲國用匱乏計故議裁補咨移一至敢不祇遵第

貴部院與本將軍身在地方裁撤之情形利害了然
目前倘將熟習對壘之官兵奉文裁去又無有餘之
官兵可調接防是自示疎虞使逆賊得以乘隙也在
貴部院與本將軍之處分不足惜其如封疆何及至
此時勢必又藉重兵又費多餉則今日將逆裁撤之
心適成異日貽悞封疆之罪矣且日今撤回滿兵一
千餘名卽畱此項之糧餉以養三千對壘之官兵所
虧似亦無幾况逆賊情見勢竭撲滅有期豈可自撤
藩籬致有他虞也本將軍杞憂之至敢獻芻蕘惟希
貴部院採酌再賜合詞具

題請留三營官兵以資固圉庶上紓

平陽紀 卷之六
九重南顧之懷下奠八閩蒼生之命卽本將軍亦荷舟誼
於無涯矣至於內協二字將來入

告或更援剿名色事平之日卽遵

旨裁補愚見所及不審有當於 台裁否今准前因合就
咨覆爲此備咨 貴部院煩爲察照施行

康熙十八年八月十二日

稟報事咨兩院

爲稟報事據建寧城守副將劉起龍報稱本月十五
日兩時分據左營遊擊李英報稱本月十三日未時
准休致熊總兵塘報內稱岑陽關各隘日瞭望各丁
前來稟稱望見古佛崗燒營火數十處察竹關外聖
塘地方割有賊營焦嶺關吳家畚水碓壠亦有一股
賊割岑陽關外楓嶺橫溪俱割有賊似此寇衆割聚
近地不知其孽意欲作何侵突現今北路各處一帶
地方百姓各自奔逃無術安插爲此具報裁奪施行

等因到職准此理合轉報等情據此該卑職隨將郡城城守目兵儘數挑選着令把總盧文英率領星刺兼程前赴崇安應援切照賊衆四出剗聚狡謀叵測前以汎廣兵單萬不得已疊次詳請援兵去後案蒙巡撫部院吳 憲批檄發延邵二協官兵各一百名赴崇防範亦可稍藉聲援何期將近一月並未見到今准延建邵道佟僉事移稱江楊二逆逼近光汎門庭剿禦正在需兵無可撥應業於七月二十七日呈詳 督兩院外等因移職則奉撥邵協一百之兵無

可望矣又蒙本將軍檄發楓嶺營官兵三百名而楓汎地方接連益亭二渡木城各關目今警息時聞亦屬要汎止可藉爲聲援似難令其遠赴崇安伏乞憲天軫念巖疆需兵孔亟將何項官兵移緩就急勅發赴崇以資禦剿地方幸甚爲此理合飛報等情到將軍據此爲照隣寇江機楊一豹等流突窺伺於光澤崇安等處近准 貴院咨據延建邵道詳稱二逆窺犯光澤情形隨經本將軍差役星夜齎持令箭前往汀州着令副將王三英撥發精兵八百名馳赴邵武

夾剿去後則光澤一路似可無虞惟崇安一汛屢據
該副將呈報兵單請援前經 貴院檄發延邵二協
官兵二百名赴崇今光汎現在需兵則前項官兵殊
難令其赴崇策應誠恐隣寇侵犯則崇安一帶地方
百姓必遭荼毒再查在漳官兵現在與賊對壘委無
餘兵可以調撥近據福州城守副將黃朝用冊報所
轄三營官兵除分防各縣汛之外實在省城現兵七
百零七名夫省城雖屬根本重地藉有 貴院威稜
彈壓又有滿騎駐劄則該城守兵丁似可通融那調
相應咨請 貴院就近檄行副將黃朝用卽於三營
現兵之內挑選精銳三百名着令勇敢千總一員帶
領前往建寧聽副將劉起龍分撥於崇安浦城一帶
各關口相機防剿事平之日撤調回營今據前情不
得不那緩就急除經檄行副將黃朝用撥發外合就
咨會爲此備咨 貴_{部院}請煩查照調撥仍祈賜覆
施行

康熙十八年九月初二日

密報事咨興化鎮

爲密報事八月三十日准 貴鎮咨開據遊擊陳永
茂報稱八月二十二日有賊船十五隻在東沙地方
賊夥登岸勢必躲匿壺公山等情轉咨到本將軍准
此爲照海逆艤舟近港游移在汎各官兵自應嚴加
堵禦如有登犯卽乘機撲剿何致登岸潛藏壺公山
尚不迅行搜剿以絕根株猶云加謹瞭探不知各將
弁所司何事如此玩寇疎畧大干法紀今准前因合
移飭剿爲此合咨 貴鎮煩爲查照希卽檄行遊擊

陳永茂王友銚等并各營將弁挑選精健馬步官兵會同在近隣汛各官兵速卽躡探前項逆賊窩藏處所協力撲剿斬殺淨盡毋令兔脫致害地方尤希貴鎮嚴加督率幸勿任其遲玩仍希將飭行過出師搜剿緣由見覆施行

康熙十八年九月初三日

密請安置咨兩院

爲臨行密請安置屢叛賊首以消未萌以靖亂源事
本月二十一日據義旅總兵官饒元呈稱沙溪賊首羅其熊父子兄弟一門積寇負固多年屢屢叛罪惡貫盈贖私百萬自順治四年勾引僞新建王攻破沙邑慘殺董縣官屠城劫庫順治五年又勾引僞德化王盤踞將軍寨荼毒萬民幸逢 總督浙閩部院陳 大兵進剿圍困將軍寨賊父羅君若勢逼獻寨投降安插衢州府日久逃回羅其熊鑽謀團練擁兵

殺擄康熙十二年十一月間密受耿王偽總兵劄付聚衆上游倡亂十三年三月省中兵變羅賊卽割辦響應隨統兵至順昌出崇安分水關破弋陽浮梁等縣攻饒州徽州等府擄掠子女玉帛不計其數劫來金銀寶貝何啻千萬後見大兵恢復徽饒賊勢大敗遣腹余名魁密到職營套脫安親王頒來總兵劄付一道副將劄付一道約定助兵內應豈料奸賊叵測竟將二劄轉獻僞都尉白顯中漏洩內應軍機囑男羅基弟羅啟之等計誘內應總兵張存入寨慘殺張存夫婦并家丁吳香吳根養張明輝林萬春江忠周妹弟官興等囚禁眷口五十餘人淫辱不堪名言罄擄行李四十餘擔計贖二萬有奇幸逢親王爺大師入關羅其熊從分水關逃回與職在富屯地方對壘打仗賊兵三千餘衆俱係鐵盔鐵甲行營大砲八十餘位排鎗二千餘桿延平右營遊擊梁九鳳全夥同備証今逢

皇恩浩蕩在羅其熊應宜呈繳甲械出身投誠所掠徽州子女亦應遵

旨發還今乃假粧瘋病陰結亡命堅築土堡藏匿械甲儼
然壁後置人如舊歲七月羅賊密全姻家姚類陰謀
不軌既而敗露如密謀得就卽成尾大莫掉職若與
毗隣覘其動靜叵測難知况又有將樂會石死逆楊
成洪之弟楊璿爲之犄角二賊之金穴智囊地方官
未有不受其欺者蓋有形之賊人皆知所撲剿惟此
無形之賊雖有智者亦不能測其萬一職是以鯁鯁
過慮職若在籍二賊猶有所顧忌職今蒙 撫院賜
咨赴 部補用臨行若不將此未然之慮爲我憲天
陳之是職深負知遇之恩也不已冒昧具稟伏乞大
奮神威密行設法將羅其熊楊璿二賊安插省城勒
令拆毀土堡解散黨羽還子女以遵

朝廷繳兵器以實軍府追贖私以濟急餉查劄付以報

親王庶未萌之亂可息未成之禍可消上游安堵地方
永靖爲此具稟等情到將軍據此爲照投誠官羅其
熊等既經受撫自應革心奉法恪守本分何得陰結
亡命堅築土堡包藏不軌也據饒元呈稟鑿鑿雖未
必言言皆實但恐狼子野心鷹眼未化情或有之日

下山海未靖不可不_作意外之虞防微杜漸今據前情合就咨達為此備咨 貴_{部院}請煩察照或將羅其熊等安插省城或調赴軍前効勞分其黨羽消絕邪萌是亦防患未然之一策統藉 貴_{部院}明炳幾先宏裁酌奪用固巖疆可也仍祈賜覆施行

康熙十八年九月二十四日

特請飛調咨水提

為特請飛調等事本月二十三日准 貴提督咨開

准 撫院吳 咨覆前事內開准 貴提督咨開現

在三百之船隻已少水兵一萬六千八百有奇是所

缺者兵也若以船為不足而議造議調其缺兵配船

不更多乎勢必耽延歲月貽誤師期孰若姑就現在

之船過調六營精兵配坐相機進剿之為便也抑或

貴院別有宏裁確議賜覆以憑會

題等因到院准此為照海逆鴟張會師搗巢難以遲緩

姑就現在之船迅調陸兵配駕深見調度有方但軍機關係或等候荷蘭夾板船兵或應調江浙之船抑或照貴提督宏謨相機進剿於中勝籌希卽咨會其商籌畫以爲萬全之策等因到提督准此除咨覆總督部院外相應咨會合咨查照酌裁示覆會

題施行等因到本將軍准此爲照海道跳梁倚水連誅必籍舟師厚集乘時搗巢方可立掃鯨氛茲以現在船隻尙少水兵欲調陸路精兵配駕以無悞大舉之明貴提督與本將軍實有同心但陸兵向習步騎乘

風逐浪原非所長若一旦驟撥於舟師之內恐未必能持械穩立奮勇殲寇則徒佔戰船若預先調赴配駕操演則日下漳南現在對壘朝夕炮火互相攻擊沿途各汛賊艘游移而上游四府已經量撥抽調南征所存官兵現因江楊二寇侵犯窺伺該協營時時啓 王呈報 兩院暨本將軍請兵赴援正在調撥來剿此皆在貴提督洞鑒之中似難預調操演也本將軍駐師鳳山恨不能滅此朝食祇因水陸懸隔無從飛渡正藉貴提督大展宏猷早集舟師訂期大舉

合力夾剿以奏蕩平惟以撥兵配船軍機重大務出
 萬全不得不再四思維以求必勝案准貴提督咨為
 咨會事業經本將軍移商 督院續准 督院咨覆
 內開准 水師提督萬 咨同前事經本部院咨覆
 為照興泉缺兵本部院前疏題 請各增兵一千名
 未荷 部允現今又經覆題在案候

命下之日或候 貴提督將出師之時抽調來省至在同
 安者與在晉江興化者果否盡善水師似應先行逐
 一查明堪充水師者抽赴往省以憑本部院會商酌
 補可也等因前來則是配船精兵相機進剿之便也
 祈 貴提督咨會 督兩院商議何營之兵可調對
 酌妥當庶日下邊防不致疎虞則乘時大舉搗巢滅
 賊尤為萬全耳今准前因合就咨覆為此合咨 貴
 提督請煩查照施行

康熙十八年九月二十六日

重地未便容喇將軍

爲重地未便輕棄設防必需勁旅備移在泉之兵情
形商請調師以資彈壓事九月二十九日准 貴將
軍咨開本月二十五日調遣吳副都統興泉道張仲
舉併滿漢隨征官兵前往揚剿今幸仰賴

皇上天威遠播滿漢官兵奮勇爭先得以破巢斬渠餘孽
淹溺奔潰若將此地爲界外棄置而不設兵嚴防則
將來逆賊復來竊踞彼狡計百出必多方設備固禦
雖有雄師萬難攻克再三思維非重兵勢難彈壓本

將軍暫令進剿滿漢官兵嚴加固守一面具啓

親王但泉城兵力單薄迅卽酌撥勁旅前來彈壓庶地方獲藉寧謐合咨察照賜覆施行等因同日又准

總督部院姚 咨爲飛報大捷事內開爲照東石地

形最爲險要數年未復一旦攻克功莫大焉如此險地自應發兵固守未便輕棄但東石甚孤自須左右聯下八營共爲把守本部院已撤大盈前埔之兵并調同安王副將兵六百名前往協防除批行該道遵候移咨會商外合亟咨商請煩察照希將東石地方

應否撥兵汛防或議撥何項官兵併作何設法固守統祈酌裁示覆施行等因各到本將軍准此爲照東石一穴咫尺廈門賊島逼近漳泉大路最爲要害本

將軍自舊年八月內解圍泉州之後隨會商 貴將

軍暨 撫院吳 統兵攻取時因急於疏通漳泉孔

道隨督師赴漳蕩剿漳寇劄營鳳山難以刻離惟屢

飭各汛官兵加謹堵禦仍令就近稟請 貴將軍方

畧相機進剿在案茲荷雄謀勝筭調遣滿漢官兵奮

力破巢斬渠以去漳泉心腹之患接准 大咨撥兵

固守愈見 貴將軍碩畫周至惟是小盈青石官一帶與石井海口相近原防官兵未便輕撤其前埔靈水大盈康店各處原爲堵困東石逆賊今東石已得則防守前埔靈水大盈康店等處之兵似可酌量那撥本將軍除卽飛檄內標戎旗都司高永福將在泉馬步材官二百名并行本標前營遊擊焦國巡將防守靈水官兵一千之內酌留三百名撥勇敢千總一員帶領固守本寨其餘七百名令遊擊焦國巡帶領同武備官二百名割爲一營又檄調邵武副將郭奇將防守前埔官兵一千之內酌留二百名撥勇敢千總一員帶領固守本寨其餘七百名令副將郭奇帶領營爲一營再檄行大小盈叅將韓元朗將防守大盈官兵五百名之內酌留二百名固守本寨巡防大道應撥出三百名康店官兵四百名內留二百名固守本寨應撥出二百名共五百名卽令叅將韓元朗帶領割爲一營同赴東石會同滿漢官兵聯絡聲援互相固守悉聽 貴將軍分佈調度各飛檄去後再查浙江撫標官兵并興泉道標官兵合藉 貴將軍

檄令各劄一營會合保固尤爲妥便更祈 貴將軍
多撥滿騎彈壓以寒賊膽以壯兵威可也今准前因
合移咨覆爲此備咨 貴將軍請煩察照檄調施行

康熙十八年十月初一日